



Sarajevo: 17.11.2025.

**PREDSTAVNIČKI DOM
PARLAMENTARNE SKUPŠTINE
BOSNE I HERCEGOVINE
n/r predsjedavajućeg**

**BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO**

PRIMLJENO: 17.11.2025			
Organizaciona jedinica	Klasifikaciona oznaka	Redni broj	Broj priloga
01,02	50-11	19-1	24

Predmet: Dostavljanje pitanja Vijeću ministara Bosne i Hercegovine za 1. posebnu zajedničku sjednicu oba doma Parlamentarne skupštine Bosne i Hercegovine

Poštovani,

U skladu sa članom 172. stav (3) Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, br. 79/14, 81/15, 97/15, 78/19, 26/20, 53/22, 59/23, 87/23, 50/24, 73/24 i 56/25), za 1. posebnu zajedničku sjednicu oba doma Parlamentarne skupštine BiH zakazanu za 27.11.2025. godine, postavljam pitanja predsjedavajućoj Vijeća ministara Bosne i Hercegovine.

Da li je Vijeće ministara Bosne i Hercegovine ili neko od nadležnih ministarstava informisano o tome da je Savo Minić izjavio da su šume upisane 1/1 na RS, da je pomoćnik ministra poljoprivrede, šumarstva i vodoprivrede RS Lalić izjavio da ministarstvo namjerava poljoprivredno zemljište izdati pod zakup na 40 godina, te da je u RS usvojen Zakon o izmjenama i dopunama zakona o Pravobranilaštvu kojim se uvodi imunitet za pravobranioce i njegove zamjenike?

Da li je Vijeće ministara Bosne i Hercegovine u vezi sa navedenim pokrenulo neki postupak u cilju zaštite državne imovine?

Obrazloženje:

Gospodin Savo Minić, koji obavlja poslove premijera Vlade republike srpske, na platformi x je objavio slijedeće: "Naše šume su upisane na Republiku srpsku 1/1, a ostale novosti šaljemo uskoro..." Podsjećam na to da su šume i šumsko zemljište državno vlasništvo, a ne vlasništvo entiteta. Izuzetak predstavljaju zanemarljivo malene površine prvatnih šuma.


Pomoćnik ministra u Ministarstvu poljoprivrede, šumarstva i vodoprivrede, gospodin Saša Lalić, izjavio je da ministarstvo utvrdilo da na području 19 lokalnih zajednica u RS-u, ima oko 10.000 kvadrata zemljišta u vlasništvu RS-a, da Ministarstvo namjerava dodijeliti to zemljište poljoprivrednicima pod zakup na rok od 40 godina itd. Na osnovu izloženog, osnovano se može pretpostaviti da je izvršna vlast u RS-u, izvršila uknjižbu državnih šuma, šumskog i poljoprivrednog zemljišta kao vlasništvo Republike srpske. Dakle, po mom mišljenju moguće je da je državna svojina na neustavan i nezakonit način pretvorena u entitetsku, tj. svojinu RS-a.

Narodna skupština Republike srpske je usvojila Zakon o izmjenama i dopunama Zakona o pravobranilaštvu Republike srpske, kojim se uvodi imunitet za pravobranioce i njihove zamjenike, za iskazano mišljenje ili odluku iz svoje nadležnosti. Ovdje se ne radi o slobodi mišljenja svakog građanina, nego o Mišljenju pravobranioaca koje predstavlja pravni akt koji prouzrokuje pravne posljedice jer govori o tome da li su odluka organa ili ugovor zakoniti ili nezakoniti, dopušteni ili nedopušteni.

Ovdje je moguće pretpostaviti i to da su za različite odluke Vlade, ministarstava i drugih organa potrebna pozitivna mišljenja pravobranilaca, pa im se Zakonom garantuje imunitet, za slučaj da to mišljenje ili odobrenje bude pozitivno.

S poštovanjem,

Poslanik SDP BiH
Jasmin Imamović



Dostavljeno:

- Naslovu
- a/a